



人

八 冊

獸類

倭漢三才圖會



和漢三才圖會卷第三十八目錄

獸類

麒麟

白澤

駃騠

獬豸

象

犛牛

啖鐵獸

獅子

虎

穀

狡兔

犀

羝牛

黃腰獸

獬豸

駃騠

豹

獾

一角

野猪



和漢三才圖會

獸類

野馬

羆

鹿

麂

靈貓

風狸

貉

豺

豪豬

麝羊

麋

麇

貓

狐

獾

狼

雙頭鹿

熊

山羊

麀

麇

狸

貉

木狗

黑青

麝香

檮杌

海獺

胡獺

祢豆布

附 獾

附 獺

兔

海鹿

水豹

水獺

膺膺

獵虎

本草綱目

卷之八

二

和漢三才圖會卷第三十八

獸類

攝陽 城醫法橋寺島良安 尚順 編



麒麟

麟 正字廣雅

本綱麒麟瑞獸屬身牛尾馬蹄五彩腹下黃高丈二圓蹄一角角端有肉音中鐘呂行中規矩遊必擇地詳而後處不履生蟲不踐生草不羣居不侶行不入陷窄不羅羅網王者至仁則出也
三才圖會云毛蟲三百六十而麒麟為之長北曰麒麟曰麒麟曰遊聖北鳴曰歸私美曰扶幼秋鳴曰養綏王

和漢三才圖會 獸類

者怒生惡殺則麟遊于野或生於有角麒麟相似而無角
 廣博物志云麟之青曰從耳赤曰炎駒白曰索真黑曰角
 端黃曰麒麟角端曰行一萬八
 五雜俎云鳳凰麒麟皆無種而生世不恒有故為王者之
 瑞龍雖神物然世常有之人罕得見耳
 △按瑞應圖曰牡為麒麟北為麟與三才圖會為表裏圖會
 之說



獅子

本綱獅為百獸長出西域狀如虎而小也黃色亦如金色
 狻猊而頭大尾長亦有青色者銅頭鐵額鉤爪鋸牙耳
 昂鼻目光如電吼聲如雷有鬃鬣牡者尾上茸毛大如斗

日走五百里為毛蟲長怒則威在齒喜則威在尾每
 則百獸辟易馬皆溺血拉虎吞狼裂犀象其食諸禽獸
 以氣吹之羽毛紛落其毛入牛馬羊乳中皆化成水雖死
 後虎豹不敢食西域畜之七日內取其未開目者調習之
 右稍長則難馴矣其屎極臭赤黑色

博物志魏武帝至白狼山見物如狸跳至獅子頭殺之唐
 史高宗時伽毘耶國獻天鐵獸能擒獅象則獅雖猛悍又
 有制之者也



解豸

三才圖會云東望山有獅豸

三才圖會

獸類

豸能觸邪狀如羊一角

解 註 鯢 神羊
 獅 豸 廣 解 薦

キヤイ

四足王者獄訟平則至

說文云神人以獬廌遺黃帝帝曰何食何處曰食薦春夏
鹿水澤秋冬處松柏一云似鹿一角能別曲直皋陶治獄
其罪疑者令觸之故法冠有獬廌冠之名

五雜俎云諸獸中獨獬廌多不經見神羊之名見於神異經
其言妄誕不足信攻歷代五行四夷志如麒麟獅子扶拔
騶虞角端史不絕書而獬廌多無聞焉則世固未曾有此獸
也自楚文王服獬廌冠而漢因之相沿至今動以喻執法
之臣亦無謂矣



白澤

澤獸

三才圖會云東望山有澤獸一名白澤能言語王者有德

明照幽遠則至昔黃帝巡狩至東海此獸有言為時除害



虎

鵬脫於李耳

和名止良

本細虎山獸若也狀如猫而大如牛黃質黑章鋸牙此
鬚健而尖古大如掌生倒刺頂短鼻鼷夜視一目放光一
日看物獵人候而射之箭既及目光即墮入地如白石為
之虎魄人記其頭項之處月黑掘下尺餘得之猶人縊死
則魄入於地隨即掘之狀如麩炭之義虎吼聲如雷風從
而生百獸震恐立秋虎始嘯仲冬虎始交或云月暈時乃
交又云虎不再交孕七月而生又云虎知衝破能畫地觀
奇偶以卜食物隨月旬上下而嚙其若尾其搏物三躍不
中則捨之虎食狗則醉狗乃虎之酒也聞羊角烟則走惡

其鼻也虎五百歲則變白虎也 威骨如乙字長一尺在脇兩傍破肉取之令人有威帶之臨宮佳無官則為人所憎虎害人獸而蝟鼠能制之智無大小也獅子騶虞駘黃腰渠搜能食虎勢無強弱也

爾雅云淺毛虎曰魏貓音白白虎曰魁音黑黑虎曰鼯音似虎而有角曰虬音

五雜俎云山民防虎者有崖口缺虎常躍入迺以巨繩縱橫而空懸之虎躍而下溪罅組上四足挿空不能作勢終不能脫矣又有以縞布地及橫施道側者虎頭觸之覺其絀也爪之不得下則坐地上俄而遍體皆澆怒號跳撲至死在虎掘地一吼屋瓦皆震也中華馬見虎則便溺下不能行惟胡馬不懼獵犬亦然胡人射虎惟以二壯士鼓吹兩頭射之射虎逆毛則入順毛則不入前者引馬走避而後者射之虎回則後者復然虎雖多可立盡也

古俗 如云の虎をよめるはまゝに旅をやりおす社にけ

虎骨辛微用頭及頸骨色黃者佳藥箭射殺者不可初生

小兒煎湯浴之辟惡鬼去瘡疥驚癩治溫瘧及犬咬毒作枕辟惡夢魘皆出前足故以脛骨為勝

虎膽治小兒驚癩疳痢等能辟鬼魅虎皮繫衣服能逐行至百濟濱日晚停宿小兒忽凶不知所之其夜

大雪天曉始求有虎連跡帶乃擐甲尋至巖岫自稱而罵言虎進前開口欲噬巴提便忽申左手執其虎右衣

手刺殺剥取皮還虎者以獻之使昇擡而渡都鄙其長丈餘也

すうごう 酉耳

騶虞




ヒライネ

本細首耳狀似虎白而黑文尾上於身太平則至不食生

物食自死物見虎豹即殺之
三才圖會云周文王時見乘之曰行千里詩召南壹發五
犯干嗟半駒虞是也賈誼新書以詩駒虞為駒
人虞人非獸恐鑿說也

茲白



駒

音博

ホフ

本細及三才圖會云中曲山有駮狀如馬白身黑尾一角
虎足鋸牙能食虎豹音如振鼓佩之可以禦凶
說苑云鵲食狙狙食駮駮食豹豹食駮駮食虎

黃腰獸



駮

音斛

本細黃腰獸似豹而小腹以上黃以下黑形類犬又云馳
身狸首長則食母形雖小而能食虎及牛鹿

程失刺及



豹

音報

和名奈賀
豆可美

パウ

本細豹有數種遼東及西南諸山時有之狀似虎而小白
面團頭其毛赤黃色脊長行則脊隆如錢者曰金錢豹宜
為裘如艾葉者曰艾葉豹次之尾赤而文黑曰赤豹毛白

而文黑曰白豹皆自惜其毛采又西域有金線豹文如金線海中有水豹凡豹極捷過虎廣西南界有啖臘蟲食死豹良蛇與鼯鼠而獅駃渠搜能食豹淮南子蟪令虎申蛇令豹止物有所制也廣志柎死首丘豹死首山不忘本也豹皮不可藉睡令人神驚豹胎至美為八珍之一



豹

麥音

本細貌似熊而頭小脚卑黑白駁文毛淺有光澤或云黃白色或云蒼白色象鼻犀目牛尾虎足多力能舐食銅鐵及竹骨蛇虺其骨節強直中實少髓其糞可為兵切玉其尿能消鐵為水其齒骨極堅以刀斧却碎落火亦不能燒人得之詐充佛牙佛骨以誑俚俗

獠皮為坐毯臥褥寢獠皮避温瘴澤氣邪氣圖其形亦避邪唐世多畫獠作屏風

齒鐵獸

曰齒鐵

唐史云吐火羅國獻大獸高七尺食銅鐵日行三百里

豸

音

本細豸胡狗也胡地野犬也似狢而黑身長七尺頭生一角老則有鱗能食虎豹蛟龍銅鐵獠人亦畏之



狡兔

本細狡兔生昆吾山形如兔雄色黃雌白食丹石銅鐵昔吳王武庫兵器皆盡掘得一兔白一黃腹中腎膽皆鐵

取鑄為劍切玉如泥五雜組云按免遇鷹來撲輒仰臥以足擊其乳而裂之鷹即死

德音

唐韻德狀如獅子食虎豹及人神異經曰北方大荒中有獸作人則疾名曰德德恙也嘗入人室屋黃帝殺之謂此無恙也



象 音 嚙 形之 和名岐佐

象 音 嚙

說文作為字象耳牙鼻足

本細象交趾雲南及西域諸國野象至成群畜之長則飾而乘之有灰白二色形體擁腫面目醜陋大者身長丈餘高稱之大六尺許肉倍數牛目纜若豕四足如柱無指而有爪甲行則先移左足臥則以臂着地其頭不能俯其頸不能回其耳一瓣其鼻大如臂下垂至地鼻端甚深可以

開合中有小肉凡能拾針芥食物飲水皆以鼻卷入口身之力皆有於鼻故傷之則死耳後有穴薄如鼓皮刺之亦死口內有食齒兩吻出兩牙夾鼻雄者長六七尺雌者幾尺餘耳交乳則有水中以胸相貼與諸獸不同三年一乳五歲始產六十年骨折足其性能久識吃豆甘蔗與酒而畏烟火獅子巴蛇殺野象多設机以陷之或埋象鞋於路以貫其足捕生象則以雌象為媒而誘獲之飼而狎之久則漸解人言使象奴牧之制之以鈞左右前脚因不如命也

象牙 甘寒

治諸鐵及雜物入肉剗之牙屑和水諸物刺咽

愈服之 癩病一切邪魅及諸瘡世不知沉象可驅水怪又夏月合藥宜置凡犀因望月紋生角象聞雷聲則花發牙象牙千倍也西域重象牙用飾牀座中國貴之以為笏象每蛇牙自埋藏之人以木牙潛易取焉嫁之蛇于山中多年者下矣或謂一歲換牙者非也

象膽苦寒明目治疔其膽隨四時春在前左足夏在後右足秋在後左足冬在後右足也

寰宇記云象見傷則群黨相扶將去南向跪拜鳴三匝以木覆之人如以斧刃刺象其象遁去則半日即合故人象皮燒灰敷金瘡不令合者愈

五雜俎云滇人畜象如牛馬然騎以出入裝載糧物而性尤馴又有作架於背上兩人對坐宴飲者遇坊額必膝行而過上山則跪前足下山則跪後足穩不可言有賊所劫者窘急語象以故象即捲大樹於鼻端迎戰而出賊皆一時奔潰也惟有獨象時為人害則穿而殺之



犀 西音

竭伽梵書 兕犀北也一名沙犀

本綱犀狀似水牛猪首大腹卑脚其脚似象有三蹄黑也

舌上有刺皮上每一孔生三毛如豕有山犀水犀兕犀二種又有毛犀似之毛犀乃羗牛也

山犀居山林人多得之水犀出入水中最難得並有二角一有鼻一有額鼻角長而額角短水犀皮有珠甲山犀皮無珠甲兕犀一名沙犀即犀之存者止有一角在頂文理細膩班白分明不可入藥蓋牯角文大而特角文細也郭璞謂犀有角其紋如魚子形謂之粟紋紋中有眼謂之粟眼黑中有黃花者為正透黃中有黑花者為倒透花中復有花者為重透並名通犀乃上品也花如椒豆班者次之烏犀純黑無花者為下品

犀角苦酸寒足陽明藥能解一切諸毒中毒筋以犀角刺瘡中立愈犀角置穴狹不敢歸辟一切邪鬼也癰疽化膿作水治吐血衄血下血及痘惡症

犀角有黑白二種以黑者為勝角尖又勝鹿取茸凡犀犀取尖角鋸成當以薄紙裹于懷中蒸燥乘熱搗之應手如粉

故謂翡翠犀角金人
氣粉犀是也

○通夫即腦上之角經千歲長且銳白星微端能出氣通天則通神破水入水水開三尺置屋上烏鳥不敢集夜視有光夜露不濡入藥至神驗

△按犀角從暹羅東埔寨多將來凡長一尺四五寸其號角者不佳俗謂之野犀能辨之



一角

巴阿多
宇無加布留
共蠻語也
疑此稱犀之
通天者乎

△按宇無加布留俗用一角二字阿蘭陀市船偶來而為官物尋常難得其長六七尺周二四寸色似象牙而微黃外面有筋晶晶如竿麤至末一二尺細尖而筋亦無

之微曲斜也內有空穴其穴徑四分許價最貴故以白犀角充之其白犀角從交趾來近年是其色白不潤長者尺餘破之如竹有木理外面無筋見其全軀則大異矣

辟塵犀為簪梳帶勝塵不近身 辟暑犀夏月能清暑氣 辟寒犀其色如金冬月暖氣襲人 縑忿犀為帶令人去忿怒此皆希世之珍



野牛

毛犀 牧牛
竹牛 摩牛
貓牛 雙牛

本細犛牛犛牛之屬野牛也居深山中狀及毛尾俱同犛牛但犛小而犛大有重千斤者其體多長毛其尾可為旌旄纓帽之用身角如犀故曰毛犀角甚長而黃黑相間以偽犀

角卒莫能辨也。角之花斑皆類山犀，而無粟紋。其理似竹，不甚為奇。蓋犛之角勝于犛，而犛之毛尾勝于犛。


犛牛如牛而大，肉重數千斤，又名犛牛。色青黃，與蛇同穴，性嗜鹽，人裹手塗鹽取之，其角如玉，可為器。

海牛形似牛，鼉脚，毛其皮甚軟，脂可燃燈，一名潛牛。

山牛狀如牛而角有枝如鹿茸。

月支牛出大月氏國，今日割取肉，明日其創即復合也。

以上五種亦野牛之類也。



牦牛音毛

犛牛。犛牛。

本綱牦牛乃野牛也。人多畜養之，狀如水牛，體長多力，能

載重，迅行如飛，性至粗梗，髀膝尾背胡下皆有黑毛，長尾許其尾最長，大如斗，亦自愛護草木，鈎之則止而不動。今人以爲纓帽，毛雜白色者，以茜染紅色。

三才圖會云：天子車在纛以牦牛尾爲之。

△按野牛自中華來，於肥州長崎偶有之，不蕃息。



野豬


私名久佐井奈眼俗云井乃之々

本綱野豬有深山，形如豬，但腹小，脚長，毛色褐或黃，作羣行，牙出口外如象牙，其肉有至二三百斤者，能與虎鬪，或云能掠松脂，曳沙石塗身以禦矢也。最害田稼，亦啖蛇虺。獵人惟敢射最後者，若射中前者則散走，傷人肉甘平治癩癩補肌膚益五臟。青蹄者不可食，忌巴豆。其肉赤如馬

肉食之勝家猪牝者肉更美

△按野猪怒則背毛起如針頸短不能顧左右觸牙者無不摧破如為獵人被傷去時人詈謂汝卑怯者蓋還來則大忿怒直還進對合與人交勝負故壁之猛勇士惟突傷鼻及腋則斃

類婦獸 出嶺南似山猪而小善害田禾惟以機軸紡織之器置田所則不復近也



野馬

本細野馬似馬而小今甘州肅州及遼東山中亦有之取其皮為裘食其肉云如家馬肉但落地不沾沙耳

駒駘 北地有獸狀如馬色青名曰駒駘此亦野馬類也
△按山馬皮自中華多來其皮比鹿麂等更厚而肌不密最劣以作裘及鞞為下品



豪猪

山猪 高猪
獾 獾猪
豮猪

俗云也未
阿良之

本細豪猪深山中育之多者成群害稼狀如猪而項脊有棘鬣長近尺粗如筋其狀似并及帽刺白本而黑端怒則激去如矢射入自為牝牡而孕也人取其刺毛以為簪令髮不垢或以其皮為鞞其肉甘大有毒
一按豪猪自外國來畜之以異毛賞之耳



熊音雄

和名久萬

本細熊生山谷如大豕而豎目人足黑色性輕捷好攀緣上高木見人則顛倒自投于地冬蟄入穴春乃出春夏臃肥時皮厚筋弩每升木引氣或墮地自快俗呼跌臃冬月蟄時不食饑則舐其掌故其美在掌謂之熊蹯其行山中雖數千里必有踞伏之所在石巖枯木謂之熊館其性惡穢物及傷殘捕者置此物于穴則合穴自死或為棘刺所傷出穴凡之至骨即斃也性惡鹽食之即死又云熊居樹孔中人擊樹呼為子路則起不呼則不動也熊膽苦寒治時氣熱盛變為黃疸者暑月久痢心痛治諸疝驚癩癩癧退熱清心平肝明目惡防犯地黃

膽春近首夏在腹秋在左足冬在右足熊膽多偽以米粉許點水中運轉如飛者真餘亦轉但緩爾久真者善碎塵試之以淨水一器塵暮其上投膽米許則凝塵豁然而開

△按熊在深山中出於松前者最多全體黑而胸上有白毛如偃月俗稱月輪常以手掩之獵人窺其月輪刺之則斃若不然則挫刀鎗其強勢不可敵也其生子也甚容易以自手扒出故人用熊掌置臨產傍亦取安產之義矣
陳眉公秘笈云熊得人輒搔人喉若腋令笑人伸舌舐面血以為快人屏氣陽乃棄去還視之再三蘇欲起逃去追而扼之山民習其狀能脫于死
近頃於津輕山中捕一大熊其掌徑三尺九一尺許體毛脫兀希有之大熊也凡熊膽春夏則瘦小黑色帶黃秋冬則肥大而深黑色也取之有數品鐵砲擊取者陷


阱生捕者並膽全追捕者次之穴捕者又次之於木極能分攫之謂之藉尾數木盈穴則終窮迫而出試法點水運轉徹底為一線黃黑先色其味苦微辛甘氣腥也猿膽亦為線然不能運轉且亦黑色而不光味苦氣惡也
又偽作者有數品
 熊膽膜有八重穿取其膽肉盛身肉造成者難辨又有墨與油和煎深紙為袋別用熊骨黃栢五倍子濃煎為膏盛件袋晒檐間如鉤棹漸乾而推扁作之
 熊皮造泥障坐褥及鞞袋等賞之正黑色美亞干獵虎其黃白色者最珍



人熊 馬熊
 和名之
 蓋自熊畧稱也

本細罷似熊而大色黃白其頭長脚高猛怒多力能拔樹木虎亦良之遇人則人立而攫之故俗呼為人熊蓋熊罷壯毅之物屬陽故書以不二心之臣譬之

醜音本細醜似熊而小色黃赤或呼為赤熊蓋熊罷醜音醜三種一類也如豕色黑者熊也大而醜黃白者罷也小而色黃赤者醜也



麇羊
 九尾羊
 和名カ
 萬之个
 浴云余又

本細麇羊似羊而青色毛粗兩角短小有節大如入手指又有一角者常獨棲懸用於木枝不着地而夜宿以遠寒可謂靈也故字從靈角有其掛痕其角極堅能碎金剛石金剛石出西域狀如紫石英百鍊不消物莫能擊惟羊角扣之即自然水泮也又獾骨偽充佛牙物亦不能破用

此角擊之即碎皆相畏耳其皮以作座褥
角鹹寒或苦寒入肝經甚捷羊屬火而同氣相求也明目治
小兒驚癇大人中風搖擗等肝膽之病又能噎塞不通
并肩為末飲方寸匕辟邪氣不祥解諸毒并以角摩
肉甘平治惡瘡強筋骨免蛇蟲毒治惡瘡強筋骨免蛇蟲毒

按廬羊似羊及鹿而灰青色腹白微黃眼畧大也於吉
野山中捕之畜養而不食穀肉等未知常所好食者試
投諸草及菓子止食榧葉竹嫩葉薊葉而不多食故難
育其尿亦如鹿尿

山驢 身似驢角似羚羊但稍大而節踈慢耳尾似馬
有跛蹄用其角為羚羊一名踰



山羊

野羊 羴羊

本綱山羊野教故在源似羚羊而色青大如牛善鬪至死其
角長惟一邊有節節亦踈大不入藥用堪為鞍橋其皮厚
其肉頗肥有大小二種大者角盤環肉至百斤



鹿

音 禄

斑龍 麀 麀子 密利迦羅

本綱鹿山林中有之馬身羊尾頭側而長高脚而行速
遊龍相戲必生異壯者有角夏至則解大如小馬黃質白
角則鹿得稱龍也

班牝者無角小，而無班毛，雜黃白色。孕六月而生，子性淫。一牡常交數牝，性喜食龜，能別良草，食則相呼，行則同旅。居則環角外向，以防火害，臥則口朝尾闕，以通督脉。鹿乃仙獸，自能樂性，六十年必懷璠，干角下，班痕紫色，行則有涎，不復急走，故曰鹿載玉。而角班魚懷珠，而鱗紫鹿，千歲為蒼，又五百歲為白，又五百歲為玄，瑞應圖云：鹿者純善之獸，王莽則白鹿見。

△按鹿多淫，而牡夜鳴，喚牝，秋夜最頻。又出田圃，食穀菽，獵人以鹿角根及胎鹿皮，或蝦蟇皮，作笛吹，偽牝鹿之音，牡甫聞，來竟羅罟，或入陷穿，但蝦蟇皮之笛，則鹿多。又夏月腰鐵籠，焚火狀似松明，鹿見火，太喜來，竟為人。所殺謂之照射，性怖人，不齧，不觸，如被逐，迫則以後足彈力甚強，如捉兩角相推，則人難勝，捉片角，捏則鹿直也。鹿為春日神使，奈良人家多狎，如雞犬。春日生，人勿食鹿。

鹿肉 甘溫 補中益氣力強 五臟 九月以後正月已前 鹿常

能別良草 止食葛花葛葉鹿葱鹿藥 不食他草乃仙獸

純陽多壽之物 故其肉角有益於人 無損 肉損牙齒但

鹿茸 甘溫 壯筋骨生精補髓 養血益陽 治一切虛損 蓋古

角既解 新角初生時如紫茄 鹿角解陰陽相及如此

稍長四五寸形如分岐馬鞍 茸端如瑪瑙紅玉 破之肌

如朽木者最善 鹿茸不可入鼻 鼻必為蟲 藥不及也

△按鹿茸 鹿乃知加茸字 鹿生 俗以為薑菌之字 鹿

角初生相似 未開茸故然矣 長二三寸不尖不堅者為

良 以猿尾鹿尾為之 本州必讀云 鹿角初生為茸 至堅

老成角不過兩月之久 其發生之性 雖草木易生者未

有速於此者 其補益於人 又豈有過於此物乎

鹿角 鹹溫 生用則散熱行血 消腫辟邪 熟用則益腎補虛

強精活血

鹿角霜 同膠 補中益氣治腰痛吐血下血婦人血閉無子者懷妊安胎久服輕身延年

煮作法 百代醫宗云

新鹿角三對每對各長二寸截之取長

流水浸三日刷淨垢土每角一斤用楮實子一兩桑白

皮黃臘兩各二入鐵鍋水煮三晝夜慢火不可少停水少

則添熱湯冷柯漆日足取出角以腕為度削去黑皮薄

切曬乾碾為末名鹿霜也 其餘干鍋中水慢火再熬

成膠名鹿膠也 本草之說今自中華來鹿角膠形團而

押朱印云世醫其製角膠

造玉法 以鹿骨角為屑浸醋四五日用其醋煮熟之半

日取出入朱和調作珠形以贗珊瑚又欲青色則用綠

青染成 鯨骨削成 漆色 多用

鹿皮 治一切漏瘡 燒灰和猪脂納之

按鹿皮作革以作鼓鞞鞞裘等其用最多但倭鹿皮薄

少而肌不濃也凡暹羅東埔寨咬嚼吧太泥太宛等西

南夷每年所來鹿皮野馬皮 鹿皮等大約二十余方枚以暹羅鹿麋之皮為最上其野馬皮肌厚麋而為最下



麋

音 眉

麋子 麋牡 麋牝

和名於 保之加

本綱麋海陵間最多千百為群多牝少牡乃鹿屬也牡者有角鹿喜山而屬陽故夏至解角麋喜澤而屬陰故冬至解角麋似鹿而色青黑大如小牛肉蹄目下有二竅為夜目今獵人多不分別往往以麋為鹿

麋角 屬陰故治腰膝不仁補一切血病若率心痛 鹿之茸角補陽右腎精氣不足者宜之

鹿之茸角補陰左腎血液不足者宜之

雙頭鹿

又名茶首机本綱似鹿前後有頭一頭食一頭行山人時或見之



鹿

主音

キイ

三才圖會云塵似鹿而大群鹿隨之皆視塵所往也其尾辟塵以置積帛中能令歲久紅色不黧又以拂氈令氈不

△按禪家常携塵尾拂子日為高僧衆皆隨行詳見千



鹿

音

俗云古比止

キイ

本細鹿山中多有之乃塵類也塵而小牡者有短角薰

色豹脚脚矮而力強善跳越其行草莽相循一徑其口兩邊有長牙好鬪南人往往食其肉然堅韌不及麋味美其皮極細膩韃韃珍之為第一無出其右者但皮多牙傷痕其聲力擊破鉞

一種有銀鹿白色

一種有紅鹿紅色

一種鹿類麋而大者



麋

同

麋子

麋音

麋同

キヤン

和名久之加俗云美止利

本細麋秋冬居山春夏居澤淺草中多有之似鹿而小無角黃黑色大者不過二三寸雄者有牙出口外其皮細軟勝於鹿皮夏月毛毳而皮厚冬月毛多而皮薄也其大者曰麋音古語云四足之美有麋是也音先毛落更生整理也

一種有銀麋茸白色云玉者刑罰中理則出之
 古今注云鹿有角不能觸麋茸有牙不能噬
 三才圖會云麋之性怯飲水見影無不驚奔故人食其心
 者多惟怯不知所為
 △按麋皮自暹羅來名美止里或稱奈禮阿比者乎以為
 鞞裘軟美為最上



鹿

麋茸

射父 香麋

莫訶婆伽梵

其香氣遠射故字从射

本綱麋似麋而小黑色故名香麋陝西益州雍州秦州出西
 北者香佳出東南者次之山谷在之常食青葉及蛇其香
 正在陰莖前皮內別有膜袋裹之夏月食蛇蟲多至寒則
 香漸入春臍內急痛自以爪剔出着尿溺中覆之常在

處不移人以其獲之其性絕愛其臍為人逐急即投巖
 亂剔裂其香就熱而死猶扶四足保其臍其自剔出者極
 難得價同明珠其香聚處遠近草木不生或焦黃也帶香
 過園林則瓜果皆不實今人以皮膜裹之多偽凡真香丁
 子分作三四子刮取血膜雜以餘物以四足膝皮而貨之
 但破看一片毛共在聚中者為勝今人以蛇蛇皮裹香彌
 香是相使也

麋香 辛温 辟惡氣邪鬼温瘧驚癇心腹暴痛痞滿佩之或
 置枕間辟惡夢鎮心安神麋香不可近鼻有白蟲入腦
 患癩久帶其香透關令人成
 異疾又
 忌大蒜

△按三才圖會云麋如小鹿有虎豹之文今商汝山中多
 群也字彙亦曰有虎豹文蓋黑色有豹文者乎文祿三
 年七月泉州堺商賈納屋助左衛門到呂宋國還得麋
 二匹獻之關白秀吉公
 象退牙犀退角麋退臍皆輒藏覆知自珍也今所渡麋香

雲南者為上，東京者為次，福州、南京又次之。有真偽數品，難明。大抵臍麝香為最上，有皮膜裹之，一箇重自五錢可入錢。一種無皮膜如煉粉者，名曰傳深麝香，其赤黑色而有乾者有濕者，其香亦有異同。相傳鯨尿或朽木為末，同麝臍成器置陰處，經歲月，拔取臍冷香，傳深最下品也。臍揉碎與木粉和合者為中品，真臍揉碎者名臍傳深，是為上品。試法燒火無灰，其香不變者真也。谷響集云：忌佛前焚麝香，見于攝真實經。



靈貓

俗云麝香貓

靈狸 香狸 神狸 類

本綱靈貓在南方山谷狀如狸，其文如金錢豹，有髦自能為地，壯自孕而生，故食之者不如其陰糞溺皆香如麝，功亦相似。

△按靈貓 俗云麝香貓 咬啣吧及天竺有之以貓大尾 麝飽有 一種有麝香鼠類 一種有麝香水大明一統志云 真臘國有麝香木其木氣似麝香



貓

音 苗

家狸

金花貓 出月 義貓為 好者也

和名 孫古萬

本綱貓其名自呼捕鼠小獸也。有黃黑白駁數色，狸身而虎面，柔毛而利齒，以尾長腰短目如金銀及上齒多稜者為良。其睛可定時，子午卯酉如一線，丑未辰戌如棗核，其鼻端常冷，惟夏至一日則煖，性畏寒而不畏暑，能晝地上食，隨月旬上下，齧鼠首尾皆與虎同，其孕也兩月而生，一乳數子，但有自食之者，俗傳北猫無壯，但以竹箒掃背。

數次則孕或用斗覆貓於竈前以刷帚頭擊斗祝竈神而求之亦孕此與以雞子祝竈而抱雞者相同俱理之不可推者也貓有病以烏藥水灌之甚良世傳薄荷醉貓死貓引竹物類相感然耳

貓尿 諸蟲入耳滴入之即出取尿法以薑或蒜擦牙鼻或生葱紐鼻中即遺出

本草 烏藥系下之のありのの猫のたのむは猫の味も 併正

万寶全書云猫純黃純白純黑者佳

△按猫春牡喚乳秋牝喚牡而乳大抵春秋二度生子秋子多難育性畏寒也凡六十日而產生一七日始開眼經三旬始自食飯其吸乳之間糞溺皆安猫越尺過一月半猫重可十兩則離乳能育凡十有余年老牡猫有疾為災者相傳純黃赤毛者多作妖惟於暗室以手逆撫背毛則放光或故油者是當為怖之表也凡犬每嫉猫噬殺不欲吃其肉止殺棄耳不如猫嗜鼠也

凡病猫用烏藥或生硫黃汁或鯪魚泥鱗天蓼子皆能治又方用胡椒末以水調之猫雖若其辛亦能愈也但捉頭引上之露脚爪若不治如雙則灸尾根立愈猫食鳥貝之腸則耳缺落往往試之然

三才圖會云猫耳經捕鼠後則有缺如鋸如虎食久而鋸耳也酉陽雜俎云猫洗面過耳則客至其黑猫鬣中逆循其毛若火星



狸 たぬき 野猫 隸子

音 釐 和名太 效木

本綱狸有數種大小如狐毛雜黃黑者斑其足踏其跡以貓狸如貓而圓頭大尾善竊雞鴨其氣臭肉不可食虎狸有斑如縕虎而尖頭方口善食蟲鼠果實其肉不

臭可食

九節狸 似虎狸尾有黑白錢文相間其皮可供裘領
玉面狸 尾名牛 南方間有之白面而尾似牛專上樹木
食百果冬月極肥其肉藏糟珍品又捕畜之鼠皆伏不
敢出也

狃 似貓狸而絕小青
又靈貓 香狸 狸之屬也 各條 又登州島上有海狸狸頭而
魚尾也

狸肉 甘平 治痔及鼠瘻作羹雁不過三頓甚妙 凡食狸可

△按狸有數種而淡黑色背文如八字者名八文字狸皆
脚短而走速登樹甚速其穴夏則與卑下冬則與高
上老狸能變化妖性與狐同常竄土穴出盜食果穀及
雞鴨與猫同屬故名之野猫或鼓腹曰樂謂之狸腹鼓
或入山家坐爐邊向火乘暖則陰囊垂延廣大於身也

狸皮可為鞞



風狸

うげたぬ

風母 平猴
風生獸狝狽

加世大奴木

本細風狸大如狸如獺其狀如猿猴而小其目赤其尾短
如無其色青黃而黑其文如豹或云一身無毛惟自鼻至
尾一道有青毛廣寸計長二四分其尿如乳汁其性食蜘蛛
亦啖薰陸香畫則踞伏不動如槽夜則因風騰躍其捷
越巖過樹如鳥飛空中人細得之見入則如羞而叩頭乞
憐之態人搥擊之倏然死矣以口向風須臾復活惟碎其
骨破其腦乃死一云刀斫不入火焚不焦打之如皮囊雖
鐵擊其頭破得風復起惟用石莖滯塞其鼻即死也
△按風狸出南山林中多有而未聞在于本朝



狐

胡音

フウ

射于稱俗

和名抄狐木
豆稱射于也
關中呼為野
于語別也蓋
野于語別也

本細狐北方最多今江南亦有之江東無之形似小黃狗而鼻尖尾大日伏于穴夜出竊食聲如嬰兒氣極臊烈其性疑疑則不可以合類故狐字從狐常疑審聽故捕者多用置蓋妖獸鬼所乘也有三德其色中和小前大後有黃黑白三種白色者尤稀尾有白錢文者亦佳其腋毛純白謂之狐白共毛皮可為裘狐死則首丘狐善聽水或云狐有媚珠或云狐至百歲禮北斗變為男婦以惑人又能擊尾以出火或云狐魅畏狗千年老狐以千年枯木燃照則見真形犀角置穴狐不敢歸凡狐魅之狀見人或又手有禮或祇揖無度或靜處獨語

或裸形見人也

狐肉甘溫

治瘡疥補虛損及五臟邪氣作腫或生作胎

狐膽臘月

治人卒死臘月狐溫水研灌入喉即活移時者無及矣

狐血解酒毒以狐血清黍米交門冬為丸飲時以一九

置舌下含之令人不醉

本草 狐 狐之為物其性多疑

△按本朝狐諸國有之唯伊豫上佐四國無之耳凡狐多壽經數百歲者多而皆稱人間之俗名如大和源九郎是相傳狐者倉稻龜之神使也天下狐悉悉仕洛之稻荷社矣人建稻荷祠而祭狐其所祭者位異于他狐凡狐患則聲如兒啼喜則聲如壺敲性畏犬若犬逐之窘迫則必屁其氣惡臭而犬亦不能近之將為妖必載羅驥拜北斗則化為人見于陳眉惑入報仇亦能謝恩好小豆飯油熬物試狐魅其邪氣入肩脇皮膚間必有塊診其脈浮沉不

定其按指多震也能察之者刺火鍼則去或先疑似之間煎檳葉令服之狐妖者不曾吃真病者雖嫌臭味而能吃

狐有花山家能勢家之一派相傳云往昔有狐狩老狐將捕急逃隱花山殿乘輿中乞赦遂得免矣能勢何某亦雖時異而助死之趣焉同共狐誓曰至子孫永宜謝厚恩也自此于今有狐魅人則以二家之符置墮傍乃魅去平愈其固約人亦可愧也又能守死如有人生剖狐腹取膽然不動不目逃刻盡臟腑後死此乃首丘之理乎

三才圖會云狐古淫婦所化其名曰紫善聽水河水合時聽水下水無聲乃行

相傳近衛帝有侍女名玉藻會帝不豫醫療無效使安倍泰成禳之占以為玉藻之障碑即令玉藻持幣祝之玉藻怖捐幣而去化為白狐入下野那須野害人多於

是使義純浦廣常介驅之狐又化石殺生石是也詳于下野國

之信州諏訪湖水冬月水合而人馬行水上春水漸解往來止其始行也始止也皆窺見狐往來為的

三才圖會云北山有黑狐即神獸也王者能致太平則見四夷來貢周成王時嘗有之

元明天皇和銅伊賀獻黑狐同五丹波獻黑狐元正天皇靈龜遠江獻白狐養老甲斐獻白狐皆以為祥瑞

玄中記云狐五十歲能變化百歲為美女為神巫為丈夫與女子交接千歲能知千里外事即與天通為天狐五雜組云齋晉燕趙之墟狐魅最多然亦不為患北人往往習之亦猶嶺南人與蛇共處也狐千歲始與天通不為魅矣其魅人者多取人精氣以成內丹然則其不魅婦人何也曰狐陰類也得陽乃成故雖壯狐必托之女以惑男子也然不為大害南方猴多為魅狐托於人也強氣者則不能托蓋邪氣乘虛入之謂也

初如傷寒瘡癰類但謔語有異耳以咒術靈符禳之則
病人覺語宿意此乃將去之表也既解去時忽倒臥熟
睡一二日勿呼起自身寤則安



貉

音鶴

說文作貉

和名無之奈

本網絡生山野間狀如狸頭銳鼻尖班色其毛深厚溫滑
可為裘服日伏夜出捕食蟲物出則權隨之其性好睡人
或見之以竹叩醒已而復寐故人好睡者謂之貉睡又言
其非好睡乃耳聾也故見人乃知趨走

△按日本紀推古帝五年陸奧有貉先人以歌之



獺

音端

權施 獺子

和名美

本網獺山野間穴居狀似小豬拖形體肥而行鈍其足踏
踏者足其跡夙頭者指其耳聾見人乃走短足短毛尖喙
兩毛頭連尾毛一道黑能孔地食蟲蟻凡果其肉帶土氣
皮毛不如狗權
肉甘酸 治水脹久不瘥垂死者作羹食下水大効野獸
美益瘦人



權音歡

狗獾天狗


本細權狗權獾猪權二種相似而畧殊似小狗而肥尖喙
矮足短毛深毛褐色其皮可為裘領食虫蟻凡果
三才圖會云權與貉同穴居權之出入以貉為導其皮可
以禦風



木狗音玄豹

本細木狗在黃東山中形如黑狗能登木其皮為衣襖能

運動氣血元也祖有足疾取以為袴人遂貴重之此
前所未聞也又蜀川西有玄狗大如狗黑色尾亦如狗其皮作
裘襖甚暖冬月遠行用其皮包肉食數日猶溫彼土亦珍
貴之此亦木狗之屬
△按疑此獵虎之屬乎獵虎見于後



豺音儕

俗云也未以奴

本細豺處處山中有之狼屬也似狗而頗白前矮後高而
長尾其體細瘦而健猛其毛黃褐色而鬚鬣其牙如錐而
噬物群行虎亦畏之喜食羊其聲如犬人惡之以為引魅
不祥其氣臊臭可惡世傳狗為豺之舅見狗輒跪亦相制
耳月令云九月豺乃祭獸可謂本矣故字從才

△按豺俗名狀似狗而足有蹠如狼足為異山行人怖



狼

毛狗獵子
和名於保加美

本綱狼處處有之豺屬也穴居形大如犬而銳頭尖喙白
頰駢脰高前廣後脚不甚高能食雞鴨鼠物其色雜黃黑
亦有蒼灰色者其聲能大能小能作兒啼以魅人其久鳴
其腸直故鳴則後竅皆沸而蚤為燥烟直上不斜其性善
顧而食其踐藉老則其研如袋所以胡竟尾進退兩患
其象上應奎星合音也也音文公駢補益五臟厚腸胃腹有冷積者宜食
肉鹹熱補益五臟厚腸胃腹有冷積者宜食味勝
狼牙佩之辟邪惡氣 狼喉壓治噎病月乾為末每半錢

狼皮暖人辟邪惡氣 狼尾繫馬胸前辟邪氣令馬不驚

月馬 西の平ニ尾狼色何々以の

△按狼春夏出山家竊食鳥獸及人物秋冬穴居性能知
機若欲獵則深匿不出四趾有蹠而能涉水或鑿砲火
繩之氣則遠避去夜有行人跳越其首上數回人如恐
怖轉倒則噬食稱之送狼敵者無害故行山野人常
携火繩也狼見人屍必跳超其上尿之而後食之
五雜組云江南多豺虎江北多狼狼雖猛不如虎而會殘
過之不時入村落竊取小兒銜之而趨豺凡遇一獸逐之
雖數晝夜不舍必得而後已故虎豹常以比君子而豺狼
比小人也

狼狼 狼前二足長後二足短狼前二足短後二足長狼
無狼不行狼亦無狼不行若相離則進退不得
△按二物相依賴者鼠與蝨鼠與蝨蝨與鼠與黃相親木狼與狼亦然矣而狼未知其何物

和漢三才圖會

獸類卷三十一

三十一



黑青

震澤長語云大明成化十二年京師有物如狸如犬倏然如風或傷人面噬手足一夜數十發負黑氣來俗名黑青
 △按元祿十四年和州吉野郡山中有獸狀似狼而大高四尺長五尺許有白黑赤皂彪斑之數品尾如牛夢相銚頭尖啄牙上下各二如鼠牙齒如牛齒眼豎脚太而有蹠走速如飛所觸者傷人面手足及喉遇之人俯倒則不噬而去用銚弓不能射之用併取得數个而止俗名志蓋黑青之屬乎



檮杌

倒壽
 頑凶而無疇匹曰檮杌此獸然故名之乎

三才圖會云檮杌一名獸之至惡者好鬪至死不却西苑中獸也狀如虎毛長三尺餘人面虎口牙一丈八尺蓬久食之獸鬪終不退却惟而已

猥
 音萬

三才圖會云猥獸之長者猥延以其長故以曼字彙云龜似狸而大立秋日祭獸一名猥

猾
 音滑

本綱曰海中有獸名曰猾其髓入油中油即活水不可救止以酒噴之即滅不可于屋下收故曰木中生火非猾髓而莫能也

△按猾不載形狀著檮杌猥猾之類本朝未曾有之物



兔 音 舍迦 梵書 明脉 宛子 和名 宇 佐木

本細兔處處有之為食品之上味大如狸毛褐形如鼠而尾短耳大而銳上唇缺而無腭長鬚而前足短尻有九孔跌居矯捷善走故雄家而致五月而吐子中秋望月無雌而免以孕者免目不瞬而瞭然嗷名免者明月之精入藥免以潦為醃醃以早為免焚惑星不明則雉生兔

免皮毛 治難產及胞衣不出餘血搶心脹刺欲死者極驗 燒灰酒服 兔毛敗筆 燒灰治小便不通及產難 傳燈錄云兔渡川則浮馬渡及半象徹底截流 宋史云王者德盛則赤兔見王者敬著老則白兔見然今每白兔有之北國之兔白者多稱越後免者形小而潔白可愛每食蔬穀而能馴尋常之兔性狡而難馴



水獺 和名 宇曾 今云 川宇 曾別有 海宇 別之 宇

本細水獺湖多有之狀似小狐而毛色青黑若故紫

似狗層如... 尾長三尺餘水居食魚能知水信為元鄉人以占潦旱如
鵲巢知風也正月十月獺兩祭魚知報本反始也能食鹽
死獺飲酒而斃是物之性也今漁舟往往馴畜使之捕魚
獺獺 即獺之大者頸如馬身似蝙蝠或云獺獺無雌以
獲為雌故云獲鳴而獺候

獺肉 甘鹹 治夜氣濕病及牛馬時行病女子經脈不通

大小便秘 但熱症宜

獺肝 甘溫有毒 但諸畜肝葉皆有定數惟獺肝一月一

十二月十二葉其間又有退葉用之者須驗治虛勞咳

嗽傳尸病 以肝一具陰乾為末水服 治眼翳黑花飛蠅上下視物不明入煎藥中也

又以獺膽塗盃唇使酒稍高于盃面

△按獺溪澗池河之淵灣或巖石間為元出食魚遊水上
時以砲擊取之性捷勁牙堅故闢犬却喫殺犬或云老

鯨變成獺故獺胸下亦有肉白又鯨變成獺但鯨變者
口圓鯨變者口扁也 半有變其鯨則海魚若謂江海獺
乃鯨之變溪湖獺乃鯨之變則可矣乎恐俗說也
獺皮 作褥及履屨產母帶之易產而毛甚柔軟似似獺虎



海獺

川獺海獺山獺 之三種有之

即是此云海獺也 重出千後

本網海獺生海中似獺而大如犬脚下有皮如餅梅毛着
水不濡頭如馬自腰以下似蝙蝠其毛似獺大者五六十
斤肉可烹食又有海牛海馬海驢等皮毛在陸地皆候風
潮猶能毛也

△按海獺處處有海中狀獸與魚相半者其大者六七尺
頭面至背類牝鹿而耳小眼大有利齒背身毛細密而

短微赤土器色美兩鬣末黑似手是以下腹大肥尾窄有尾長二寸許似龜尾而黑文尾有鬣黑色縱有五

山獺

一名神翹出廣州其性淫毒山中有此物凡犯獸皆避去其陰莖以為補助要藥然不載形狀



海鹿

阿之加

△按海鹿即海獺也但本草謂頭如馬者蓋取紀列有海鹿島多群居每好眠上島上鼾睡唯頭檢四方若漁舟來則誘起悉轉入水中潛游甚速而難捕其肉亦不

甘美唯熬油為燈油耳西國處處亦有之其聲畧似犬如言於宇蓋海獺海鹿一物重出備考合

蘇集 我意亦知之 補中益腎氣暖腰膝又治驚狂痛疾

骨狢 海狗

膾膾膾

胡人呼之曰阿慈勃他倫



本細膾膾諸說區多女直國撒馬兒罕朝鮮突厥國等北海有之又如三佛齋國南海亦有之毛色似狐尾形似魚足形似狗而無前兩足呼其外腎曰膾者連膾取之也膾膾膾大補中益腎氣暖腰膝又治驚狂痛疾

△按膾膾與州松前海中有之大者二三尺全體魚類而有毛乃此魚與獸半者矣頭似猫而口尖有眼鼻而無耳垂正有小孔其齒上一行下一行相咬長短齟齬其

正字未詳



獵虎

△按獵虎蝦夷島東北海中有島名獵虎島此物多有之
 常入水食魚或出島奔走疾如飛大如野猪而頸短亦
 似獾頸脚矮島人剥皮待蝦夷人交易其毛純黑甚不
 軟左右摩之無頃逆有黑中白毛少者為官家之
 其美無比之者價最貴重也其全體無見生者人以皮
 形察之耳其皮送長崎而中華人爭求疑此本艸綱目
 所謂木狗之屬也木狗見

△按此亦蝦夷海中有之大四五尺黑色
 毛短疎其皮薄不堪為褥止為毛履或為
 鞍飾トツクニ亞熊障泥然不上品ト

祢豆布

七十九三